

Universitätsbibliothek Wuppertal

C. Cornelii Taciti Opera Qvæ Exstant

Tacitus, Cornelius

Antverpiae, 1668

Ad Germaniam excursus

Nutzungsrichtlinien Das dem PDF-Dokument zugrunde liegende Digitalisat kann unter Beachtung des Lizenz-/Rechtehinweises genutzt werden. Informationen zum Lizenz-/Rechtehinweis finden Sie in der Titelaufnahme unter dem untenstehenden URN.

Bei Nutzung des Digitalisats bitten wir um eine vollständige Quellenangabe, inklusive Nennung der Universitätsbibliothek Wuppertal als Quelle sowie einer Angabe des URN.

[urn:nbn:de:hbz:468-1-1742](https://nbn-resolving.org/urn:nbn:de:hbz:468-1-1742)

IUSTI LIPSI

AD

C. CORNELII TACITI

GERMANIAM

EXCURSUS.

A.

PAG. 440.

Pro Germanorum castitate.



GERMANOS liberatum ire volui, à scedâ auersa Veneris notâ: & ecce ego non sine notâ. Nam quidam me culpât (modestè tamen fateor, nec planè αλόγως) quòd temerè mendacem dixerim Athenæum. Ab eo enim, inquit, Diodorus, Aristoteles, Strabo. Primus quidem, de Celtis sic scribit: Γυαίνας δ' ἔχοντες Βειδέεις, ἡμισὶ Γαυταίς, ὡς ἔχουσιν, ἀλλὰ ὡς τὰς ἑσθ' ἀρρέων συμπλοκὰς ἐκτόπως λυσοῦσι. & quæ subdit, turpia mihi nimis, turpia relatu. At Aristoteles VII. Polit. Plerasque militares gentes, & Celtas in ijs, matculum cœtum palàm admisisse. Iam Strabo, negat turpe apud eos fuisse τὸ δ' ἀκμῆς ἀφείδειν τὰς νεῆς: florem ætatis prostituere iuniores. Quid ad hos ego? ignosce quisquis legis, pænè idem quod in Athenæum. Falsi inquam isti, falsi: si tamen de Germanis hoc scripserunt, ac senserunt, non potiùs de Gallis. Quod ego omnino assero: præsertim de ijs qui Massilia & Italia magis propinqui. Ab eâ parte labes hæc in candidam per se gentem. Nõnne mores Massilienses prouerbio, ab hac mollitie innotuère? Græci ergo illi, qui vix limen illud ipsum Gallie nouerant (Germania certè penetral numquam) illic repertum vitium famâ & stilo sparserunt perperàm in omnes. Non mihi creditur? Tacito igitur nostro, qui disertè hoc ipso loco scribit (ex vestrà quidem mente) molles istos & flagitiosos cæno & palude mersos, crate iniectâ. Tuam fidem, ô optime. Si fidi illi Græci, & si vitium hoc tam commune Germanis, tam receptum: quî constat ut iðem tam seueriter illud puniant? Itaque ne sic quidem Germani inquinabuntur, etiamsi inquinata illa lætio retinebitur. Nec tamen à me, qui haud paullo tutius Tacito & in primis Fabio (qui claris verbis ignotum id flagitium Germanis asserit, te dissimulante) hîc crediderim, quàm Græcis. Quippe isti leui & longinquâ famâ aliquid de eâ gente acceperunt: at illorum æuo, cognita iam Germania, imò lustrata Romanis & calcata.

Gallie pars olim in muliebri morbo.

Græci enim res Germaniæ nouerunt. Purgat palam Germanos Tacitus. Etiam Quintilianus.